

levitanz firmissimi adversus immanissimos Turcas Italiae propugnaculi adeo necessaria tutio ullo modo negligatur, clericique conjugati ejusdem Insula privilegii clericalis praetextu solitas functiones militares pro defensione, & custodia Insulae hujusmodi obire detractent, quantum cum Domino possumus providere volentes, supplicationibus dilecti filii Magni Magistri Hospitalis S. Joannis Hierosolymitani Nobis desuper humiliter porrectis inclinati, eidem Magistro nunc, & pro tempore existenti uti personae Ecclesiasticae omnes, & singulos Clericos conjugatos dictae Insulae, ut equum tenere, si sufficientes ad id facultates habeant, & solitas functiones militares, custodiasque facere pro defensione, & custodia ejusdem Insulae adversus Turcas, & Piratas debeant quo ad ista, ita ut ad tenendum equum, & faciendum distas functiones, custodiaeque respective possint opportuni juris. & facti remediis cogi a praedicto Magistro, vel persona Ecclesiastica per eum deputanda; in ceteris vero iidem Clerici conjugati Venerabili Fratri Episcopo Melitan. nunc, & pro tempore existenti remaneant subiecti juxta Sac. Canonum, Constitutionum Apostolicarum, Sacrorumque Conciliorum praesertim Tridentini Decretorum dispositionem, Apostolica auctoritate tenore praesentium subiicimus. Decernentes praesentes literas validas, firmas, & efficaces existere, & fore, suosque plenarios, & integros effectus sortiri, & obtinere, ac inviolabiliter observari: Sicque, & non aliter in praemissis per quoscumque Judices ordinarios, & delegatos, etiam causarum Palatii Apostolici Auditores, ac Sanctae Romanae Ecclesiae Cardinales, etiam de latere Legatos, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiiri debere, irritumque, & inane, quidquid secus super his a quoquam quavis auctoritate scienter, vel ignoranter contigerit attentari, decernimus. Non obstantibus Constitutionibus, & Ordinationibus Apostolicis, dictique Hospitalis, etiam juramento, confirmatione Apostolica, vel quavis firmitate alia roboratis statutis, & consuetudinibus, stabilimentis, usibus, & naturis, ac Ordinationibus capitularibus, privilegiis quoque, indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis, ac ad verbum insertis habentes, illis aliis in suo robore permanens ad praemissorum effectum hac vice dumtaxat specialiter, & expresse derogamus, ceterisque contrariis quibuscumque. Volumus autem, & in virtute sanctae obedientiae injungimus praefato Magistro nunc, & pro tempore existenti, ut invigilare teneatur, ne Priores, Bajulivi, Praeceptores, seu Commendatarii, Capitanei, alique Officiales, &

Ministri dicti Hospitalis quomodolibet qualificati, quoquo modo, nec ex quacumque causa concedant aliis ad praemissa obligatis exemptiones, francos nuncupatas a praedictis oneribus, & functionibus militariis, & custodiis ultra consuetum, praesertim ultra illas, seu illos, quae, & qui solent, etiam in vim statutorum, seu stabilimentorum, ac ordinationum Capitularium ejusdem Hospitalis Apostolica auctoritate confirmatorum concedi illis, qui actu inserviunt communi arario, Infirmeriae, ac in quibuscumque aliis functionibus, & servitiis Hospitalis praedicti; Prioribus vero, Bajulivis, Praeceptoribus, seu Commendatariis, Capitaneis, ceterisque praedictis, & aliis quibuscumque sub amissionis antianitatis, ac majoris excommunicationis poenis ipso facto incurrendis, ne quoquo modo, vel ex quacumque causa audeant praefatas exemptiones, seu francos concedere prohibemus. Datum Romae apud Sanctum Petrum, sub Annulo Piscatoris die 28. Julii 1644. Pontificatus nostri Anno XXI.

§.2. Cum autem firmiter existant, quibus iterata hujusmodi Sanctae Sedis accedit auctoritas, & propterea Magnus Magister praedictus praesertim literas, quo exactius observentur, auctoritate nostra innovari desideret.

§.3. Nos ejusdem Magni Magistri hac in re desiderio favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, eisdem praesertim Literas Apostolica auctoritate tenore praesentium innovamus, ita tamen, quod non concedantur per praedictum, & pro tempore existentem Magnum Magistrum, & quemlibet alium exemptiones ad tempus, vel ad vitam, aut aliis cuicumque ad contenta in dictis literis obligato, & quatenus concessa fuerint praesertim perpetuae, seu ad vitam, omnino revocentur, & ex nunc pro revocatis habeantur, quodque in eisdem literis delectatur dictio, *solitas*, adjecta dictioni, functiones, quam nihilominus Nos pro delecta ex nunc haberi volumus, perinde, ac si eadem dictio, *solitas*, in illis nunquam apposita fuisset: Sicque, & non aliter in praemissis per quoscumque Judices ordinarios, & delegatos, etiam causarum Palatii Apostolici Auditores, ac Magnum Magistrum, Consilium, aliaque Tribunalia dicti Hospitalis, ac S. R. E. Cardinales, etiam de latere Legatos, & quoscumque alios quavis auctoritate fungentes, nunc, & pro tempore existentes, sublata eis, & eorum cuilibet quavis aliter iudicandi, & interpretandi facultate, & auctoritate iudicari,

Confirmatio praedicti Decreti.

cari, & definiiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari, decernimus.

§.4. Non obstantibus omnibus illis, quae in praesertis literis concessa sunt non obstante, ceterisque contrariis quibuscumque.

Datum Romae apud Sanctam Mariam Majorem, sub Annulo Piscatoris die 17. Junii 1646. Pontificatus nostri Anno II.

Derogatio contrariorum

Dat. die 17. Junii 1646. An. II.

LXV.

Confirmatio Brevis Sanctissimi Domini Nostri Urbani PP. Octavi circa licentiam alienandi Bona immobilia Canonorum Regularium Congregationis Lateranensis, pro summa centum millium scutorum.

*Praedictum Breve refertur verbo tenus in hac Bulla.*  
INNOCENTIUS PAPA X.  
*Ad futuram rei memoriam.*

Alias emanarunt a felic. record. Urbano Papa VIII. Praedecessore nostro literae in simili forma Brevis, tenoris sequentis, videlicet.

Breve Urbani Octavi circa licentiam, ut in Rubr.

§.1. Urbanus Papa VIII. Ad futuram rei memoriam. Ex injuncto Nobis desuper Apostolicae servitutis officio ad ea, per quae Monasteriorum, & aliorum locorum regularium quorundam libet indemnitati, commodis, atque utilitati consulitur, libenter intendimus, ac desuper Pastoralis officii nostri partes favorabiliter interponimus, prout conspiciamus salubriter in Domino expedire. Exponi siquidem Nobis nuper fecit dilectus filius modernus Abbas Monasterii Beate Mariae de Pace nuncupatae de Urbe, Canonice Regularium Congregationis Lateranensis, & totius Congregationis hujusmodi Procurator Generalis, quod Congregatio praedicta multo aere alieno cum Camera nostra Apostolica ratione Montium Cameralium, nonnullorumque censuum pro solven. Montium suorum fructibus creatorum contracto gravata reperitur, quod quidem, & alienum varias ob causas haecenus dissolvere, ac supradictis oneribus Cameralibus, satisfacere, aliosque census super dictae Congregationis bonis stabilibus de licentia Sedis Apostolicae impositos oneribus extinguere non potuit, nec cum ordinariis redditibus debita, quibus diversa dictae Congregationis Monasteria premuntur, persolvere possent. Nobis propterea dictus modernus Abbas, & Procurator humiliter supplicari fecit, ut pro liberanda ab aere alieno, aliisque oneribus hujusmodi Congregatione praedicta sibi licentiam, & facultatem bona immobilia ad Monasteria Congregationis hujusmodi spectantia pro summa centum millium scutorum alienandi concedere, aliasque desuper opportune providere de benignitate Apostolica di-

gnaremur. Nos igitur dictae Congregationis necessitatibus, quantum cum Domino possumus subvenire, praedictumque Abbatem, & Procuratorem, specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequentiarum serie absolventes, & absolutum fore censentes, hujusmodi supplicationibus inclinati, Abbatibus Generalibus, & Visitatoribus dictae Congregationis Lateranensis, & pro tempore existentibus, ut cum approbatione dilecti filii nostri Francisci S. Laurentii in Damaso Diaconi Cardinalis Barberini nuncupati S. R. E. Vicecancellarii nostri secundum carnem, ex fratre germano nepotis bona stabilia d. Congreg. pro summa Centum millium scut. monetarum Romanarum, dumtaxat quibusvis personis meliorem conditionem offerent, vendere, & alienare, ita tamen ut pecunia ex venditione hujusmodi provenienductis tamen expensis hac de causa facien. in alios usus, quam extinctionis eris alieni, quo quodlibet dictae Congregationis, Monasterium gravatum existit, & pro majori illius utilitate nullo modo convertantur, libere, & licite possint, & valeant, auctoritate apostolica tenore praesentium licentiam concedimus, & impertimur. Non obstantibus fel. record. Pauli Papae II. Praedecessoris nostri de rebus Ecclesiae non alienandis, aliisque Constitutionibus, & Ordinationibus Apostolicis, nec non Congregationis, & Monasteriorum hujusmodi, etiam juramento, confirmatione Apostolica, vel alia quavis firmitate roboratis statutis, & consuetudinibus, ceterisque contrariis quibuscumque. Datum Romae apud Sanctam Mariam Majorem sub Annulo Piscatoris, die 20. Aprilis 1637. Pontificatus nostri Anno Decimoquarto.

§.2. Cum autem, sicut Nobis nuper exponi fecit dilectus filius Modernus Abbas dicti Monasterii S. Mariae de Pace, ac Congregationis praedictae Procurator Generalis, dilectus etiam filius noster Franciscus tituli Sancti Laurentii in Damaso Presbyter Cardinalis Barberinus nuncupatus, cujus approbatio in alienatione bonorum, stabilium praedictorum juxta praesertim literarum tenorem requiritur, a Romana Curia, & toto Statu Nostro Ecclesiastico absit, Nobis propterea idem Abbas, & Procurator Generalis humiliter supplicari fecerit, ut in praemissis opportune providere de benignitate Apostolica dignaremur. Nos igitur eundem Abbatem, & Procuratorem Generalem specialibus favoribus, & gratis, prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit,

Confirmatio praedicti decretum.

lit, ad effectum presentium dumtaxat consequendum, harum serie absolventes, & absolutum fore censentes, huiusmodi supplicationibus inclinati, praeinsertas literas, Apostolica auctoritate, tenore presentium confirmamus, & approbamus, illisque inviolabilis Apostolica firmitatis robur adiciamus, ac omnes tam juris, quam facti defectus, si qui desuper quomodolibet intervenerint, supplemus, necnon Dilecto filio nostro Federico SS. Viti, & Modesti Diacono Cardinali, Sfortiae nuncupato, dictae Congregationis apud Nos, & Apostolicam Sedem Comprotectori facultatem praestandi consensum alienationi huiusmodi, quem dictus Franciscus Cardinalis in vim earumdem literarum adhibere deberet, servata alias in omnibus, & per omnia illarum forma, eadem auctoritate tenore presentium concedimus, & imperitur. Decernentes ea, quae cum approbatione dicti Federici Cardinalis Comprotektoris in executionem dictarum literarum fierent, perinde valida, firma, & efficacia existere, & fore, ac si cum approbatione dicti Francisci Cardinalis facta fuissent.

Causa praeservativa.

§.3. Sicque, & non aliter in praemissis per quoscumque Iudices ordinarios, & delegatos etiam Caesarum Palatii Apostolici Auditores, ac S.R.E. Cardinales etiam de Latere Legatos iudicari, & definiti debere, irritum quoque, & inane, si secus super his a quoquam quavis auctoritate scienter, vel ignoranter contigerit attentari.

Contrariis derogat.

§.4. Non obstantibus omnibus illis, quae in praesertis literis huiusmodi concessa sunt non obstant, ceterisque contrariis quibuscumque.

Dat. die 31. Julii 1646. An. II.

Datum Romae apud Sanctam Mariam Majorem sub Annulo Piscatoris, die 31. Julii 1646. Pontificatus Nostri Anno Secundo.

LXVI.

Pro Congregatione Cassinensi Confirmatio Decreti Capitularis circa solutionem taxarum.

INNOCENTIUS PAPA X.  
Ad futuram rei memoriam.

Procurator.

EA, quae pro Religiosorum Ordinum quorumcumque felici directione, prosperoque statu ab eorum Superioribus in Capitulis Generalibus facta, & ordinata fuisse noscuntur, ut firma, & illibata persistant, libenter cum a Nobis petitur, Apostolica confirmationis robore communitur, prout in Domino conspicimus salubriter expedire.

Motiva.

§.1. Cum itaque, sicut dilectus filius, Ludovicus Balbus Procurator Generalis Congregationis Cassinensis Monachorum Ordinis Sancti Benedicti Nobis nuper exponi fecit, anno superiori Capitulares Capituli Generalis ejusdem Congregationis tunc celebrati decreverint, quod si ex dictae Congregationis Abbatibus, qui onera

Cameralia utcumque eorum Monasteriorum tangentia Procurariae Rom. non solvissent, voce activa in Capitulo Generali ejusdem Congregationis subsequenti privati remaneret; & subinde experientia docuerit, Decretum huiusmodi ad consequendum a singulo quoque dictae Congregationis Monasterio solitas taxas valde proficuum extitisse, proindeque Capitulares Capituli Generalis ejusdem Congregationis hocce praesenti anno celebrati ediderint decretum infra scriptum tenoris, qui sequitur, videlicet.

Decretum capitulare.

§.2. Ut tandem provideatur periculo, & damnis imminentibus ob retardationem, & omissionem solutionum debitarum per Monasteria nostrae Congregationis, tam Procurariae Generali Romanae, quam Capite Venetiarum respective, committimus Reverendissimo P. Procuratori Generali, ut a Sanctissimo Domino curet per literas in forma brevis prohiberi accessum ad Capitulum Generale singulis futuris annis illis Praelatis, & Cellerario privationem officii Cellerariae, quorum Monasteria suis debitis temporibus taxas, & annuas debitas, necnon solutiones, vel debita nuncupata conto a parte, non perolverint, tam ipsi Procurariae, quam Capite Venetiarum, & si contra praesens decretum accesserint ad locum Capituli, suspendantur Abbates per annum ab administratione Abbatiae, nec liceat praedictis Reverendissimo Patri Procuratori, & Cellerario affirmari in suis computis se recepisse pecunias, quas effective non receperint, in virtute sanctae obedientiae. Dat. Perusii die 29. Aprilis 1646.

Confirmat decretum.

§.3. Idcirco dictus Ludovicus Procurator Generalis, quo praefata onera Cameralia exacte, (ut par est) persolvi possint, Nobis humiliter supplicari fecit, ut praemissa confirmare de benignitate Apostolica dignaremur. Nos igitur eundem exponentem specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum presentium dumtaxat consequendum, harum serie absolventes, & absolutum fore censentes; Supplicationibus illius nomine Nobis super hoc humiliter porrectis inclinati, decretum praesertim Apostolica auctoritate tenore presentium confirmamus, & approbamus, illique inviolabilis Apostolica firmitatis robur adiciamus, ac omnes, & singulos, tam juris, quam facti defectus, si qui desuper quomodolibet intervenerint, supplemus.

Decretum irritans.

§.3. Decernentes decretum huiusmodi in eadem Congregatione perpetuo observari debere, praesentesque nostras literas validas, firmas, & efficaces existere, & fore, suoque plenarios, & integros effectus sortiri, & obtinere, sicque per quoscumque Iudices ordinarios, & delegatos, etiam

etiam Caesarum Palatii Apostolici Auditores, iudicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Contrariis derogat.

§.4. Non obstantibus Constitutionibus, & Ordinationibus Apostolicis, ac ipsius Congregationis etiam juramento, confirmatione Apostolica, vel alia quavis firmitate roboratis statutis, & consuetudinibus, privilegiis quoque, indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum omnium tenores presentibus pro plene, & sufficienter expressis habentes, illis alias in suo robore permanentibus, ad praemissorum effectum specialiter, & expresse derogamus, ceterisque contrariis quibuscumque.

Dat. die 18. Augusti 1646. An. II.

Datum Romae apud S. Mariam Majorem, sub Annulo Piscatoris, die 18. Augusti 1646. Pontificatus nostri Anno II.

LXVII.

Impositio Decimarum ad summam 400. mil. scutorum pro Republica Veneta.

En Regem in Secret. Brov.

Venerabili Fratri Angelo Episcopo Ariminensi, moderno, & pro tempore existenti nostro, & Sedis Apostolicae in Domino Venetorum Nuntio.

INNOCENTIUS PAPA X.

Ven. Frater salutem, & apostolicam benedictionem.

Procurator.

SCROFANCTE militantis Ecclesiae regimini per abundantiam divinae gratiae, nullo licet meritorum suffragio, praepositi, inter graves sollicitudines, quibus pro credito Nobis Apostolicae servitutis officio assidue premimur, ea est praecipua, quam continua pericula, atque discrimina quae a nefario Christi nominis hoste Turcarum Tyranno Principibus, & Populis Christianis nunquam non impendent, Nobis conficiunt. Quapropter, & si Domini Dei exercituum, qui sponsam suam Ecclesiam Sanctam protegit praesidio potissimum confidamus, cogimur tamen pro debito pastoralis muneris in id omni cogitatione, omnique cura incumbere, ut provisionis nostrae ministerio adhibitis Catholicorum Principum viribus, mala huiusmodi procul a Populo Christiano arceantur.

Motiva.

§.1. Cum vero plus satis constet eundem impium Turcarum Tyrannum nihil avidius quærere quam Christianos Populos invadere, & Christianam Religionem exterminando abominationem suam plantare, & prorogare, ejusque vires, nostris faciem, peccatis, malo nostro admoniti, cogamur timere, omnique cura, & sollicitudine praecavere, multo magis Castra Domini custodire, & praemunire Nos oportet, hoc praesertim tempore, cum idem Tur-

carum Tyrannus ingentibus mari, terraque copiis ditiones Nobilissimae Reipublicae Venetorum invaserit; Quae ut improbis ejus conatibus resistere possit, cum magnos sumptus jugiter facere debeat.

Confirmat Reipublicae voluntati.

§.2. Idcirco fe: re: Clementis VIII., & Pauli V., necnon Greg. XV., ac Urb. VIII., aliorumque Rom. Pontificum Praedecessorum nostrorum vestigiis inherentes, eandem Reipublicam id enixe flagitantem Ecclesiasticis auxiliis prompto libentique animo adjuvandam decrevimus, attendentes non solum Nos ejus unius salutem, verum etiam multorum, ac omnium Italiae Populorum incolumitati consulere, cum ipsa sit magnum totius Italiae munimentum ac firmissimum maris Adriatici propugnaculum.

Spec. Summi Pontificis.

§.3. Quamobrem aequum, & rationi consentaneum esse duximus eidem Reipublicae eorumdem Clementis, ac Pauli, necnon Gregorii, & Urbani Praedecessorum exemplo, subsidio decimarum ex fructibus, & redditibus totius cleri ejusdem status Venetorum pro eisdem usibus ad certum tempus subveniendo subvenire, firmam in Domino fiduciam habentes fore, ut ea Reipublica testificatione paternae voluntatis erga se nostrae non solum sese muniam, & ad resistendum communi hosti paratam in dies magis conservet, sed etiam illum a suis finibus animose detradat.

Imponit sexdecim decimas.

§.4. Nos igitur istis aliisque gravissimis, & justissimis de causis moti, motu proprio, & ex certa scientia, ac de Apostolica potestate plenitudine nostris, tenore presentium indicimus, & imponimus sexdecim integras decimas omnium, & quorumcumque fructuum, reddituum, & proventuum quarumcumque Ecclesiarum Patriarchalium, Archiepiscopalium, Episcopialium, Abbatialium, Capitularium, & Conventualium, Prioratuum quoque, Praepositarum, Praepositatum, Praepositoriarum, Canonicatum, Praebendarum, dignitatum etiam majorum, ac principalium personatum, administrationum, & officiorum, ceterorumque beneficiorum Ecclesiasticorum cum cura, & sine cura secularium, ac S. Benedicti, S. Augustini, Cluniacensium, Cisterciensium, Praemonstratensium, S. Basilii, Silvestrinorum, & qui proprietates, redditusque certos ex privilegio Apostolico, vel alias possident mendicantium, & quorumvis aliorum Ordinum, utriusque sexus, & Congregationis, non tamen earum, quae inferius descriptae sunt, ac militiarum Regularium in universo Domino dictae Reipublicae Venetorum existentium.

Altas sexdecim imponit.

§.5. Ac insuper alias sexdecim decimas omnium, & quarumcumque pensionum annuarum super fructibus, redditibus, & proventibus supradictis assignatarum, & assignandarum, ab omnibus, & quibuscumque Patriarchis, Primatibus, Archiepiscopis, Episcopis, & aliis Ecclesiarum Praelatis, ceterisque cujuscumque status, gradus, dignitatis, & conditionis personis, exceptis

Cardinalibus, & Fratribus Hospitalis S. Joannis Hierosolymitani, ac Fratribus mendicantibus prædictis, & super beneficiis Ecclesiasticis officio S. Inquisitionis Hæreticæ pravitatis in d. Dominio instituto unitis, annexis, & applicatis, quos Cardinales, ac Fratres Hospitalis prædicti, ac beneficia prædicta Inquisitionis officio unita, in totum, Fratres vero mendicantes pro medietate dumtaxat ab eisdem decimis, & illarum solutione immunes, & exemptos esse volumus, & decernimus, Ecclesias, Monasteria, & Beneficia, ac pensiones, seu fructus, aut illorum partem hujusmodi in eodem Dominio quocumque jure, ac titulo obtinentibus, & obtenturis, necnon ab universis etiam Oeconomis, Commendatariis, atque administratoribus perpetuis, & temporalibus usufructuariis similiter fructus omnes, vel illorum partem loco pensionum annuarum, vel pensiones, & alia hujusmodi jura ex quacumque auctoritate Apostolica in toto, vel in parte reservata habentibus, & habituris, sive secularibus sive quorumcumque Ordinum, Congregationum, & Militiarum prædictorum regularibus, & ab ipsis etiam Ecclesiis, Capitulis, Conventibus, Ordinibus, Congregationibus, personis, Collegiis, Militiis, Massis, & locis prædictis quacumque amplissima, & firmissima exemptione, & immunitate reali, personali, vel mixta, antiqua, & immemorabili, pacifica, & continua, etiam ex titulo quantumvis oneroso suffulsi integraliter, & cum effectu numerandas persolvendi, & consignandi, ulterius prædictis ex causis, ac exemplo Clementis, & Pauli, ac Gregorii, necnon Urbani Prædecessorum prædictorum adducti motu, scientia, & potestatis plenitudine similibus, imponimus, & indicimus novem decimas omnium, & quorumcumque fructuum reddituum, & proventuum ad Cassinens. alias S. Justine de Padua, Lateranensem, Carthusiensem, Montis Oliveti, Sancti Salvatoris, Camaldulensem, S. Mariæ Vallis Umbrosæ, S. Georgii in Alga Venetiarum, Ceselinorum, & Sancti Hieronymi Congregationes, earumque Monasteria, Abbatiales, & Conventuales, aut alias Mensas, Prioratus, Præceptorias, Præposituras, beneficia, & officia cum cura, & sine cura, membra, grangias, & alia loca illis annexa in dicto Dominio consistentia quovis modo pertinentia solvendi, etiam per ipsas Congregationes eorumque superiores Abbates, Priores, Præpositos, Conventus, Capitula, & personas ultra subsidia montis Religionis, seu 400. mil. scutorum, & quartæ partis eorundem fructuum, reddituum, & proventuum, & alia onera, que per Sedem Apostolicam eis imposita, aut alias persolvunt, seu persolvere promiserunt, similiter numerandas, & persolvendas, & consignandi, secundum verum annum valorem fructuum, reddituum, & proven. prædictorum, & ad hunc effectum

Nonnullis eisdem inoponit.

licet fecerit. Pius V. nonnullis tunc causis adductus, & Clemens, necnon Paulus, & Gregorius Prædecessores prædicti etiam ex aliis tunc expressis causis eisdem Congregationes a decimis super fructibus, & redditibus Ecclesiasticis deinceps ubivis etiam Dominio Venetorum, & ex quacumque causa imponendis liberas, & immunes fecerint pari motu scientia, auctoritate, & de Apostolica potestatis plenitudine quoad fructus, redditus, & proventus, ad ipsas Congregationes, & quamlibet earum in dicto Dominio Venetorum spectantes, immunitates, exemptiones, ac omnes, & quoscumque contractus, scripturas, conventiones, transactiones, concordias, pacta, instrumenta, obligationes etiam in forma Camere Apostolicæ, & juramento, vel alia quavis firmitate roborata præsertim inter Pium, & Clementem, ac Paulum, necnon Gregorium Prædecessores prædictos, & Cameram Apostolicam, & pro ea S.R.E. Camerarium, vel Thesaurarium generalem, aliosve quoscumque tunc existentes, & ejusdem Camere Ministros quantumvis ampla, & sufficienti facultate ad præmissa facien. suffultos ex una, & Congregationes ultimo dictas, illarumque Procuratores ex altera partibus, ac omnia, & quacumque privilegia, indulta, libertates, exemptiones, immunitates, hac de causa in hunc usque diem eisdem Congregationibus, etiam ex causa, & titulo oneroso concessa hac vice dumtaxat, & ex causis prædictis suspendimus, ac ipsis Congregationibus quoad novem decimas prædictas hac vice, ut præfertur, suffragari nolumus, illa vero aliis in suo robore permanere decernimus, ipsasque Congregationes, ex gravissimis causis prædictis novem decimis hujusmodi oneramus cum cæteris secularibus, & regularibus Clericis personis, ejusdemque Domini Venetorum sexdecim, ut præfertur, indixerimus tali nostre impositioni acquiescere, ac tacitas, & contentas esse volumus.

§.6. Universas vero, & singulas personas quavis dignitate, vel auctoritate fungentes, tam prædictas Ecclesias, Monasteria, & beneficia quomodolibet obtinentes, ac pensiones, seu fructus, aut earum partem sibi, ut præfertur, reservatis, percipientes, quam ultimo dictas Congregationes, & eorum unumquemque, tam conjunctim quam divisim ad hujusmodi decimas in octo annis binas videlicet decimas dumtaxat quolibet anno, & quoad ultimo dictas Congregationes singulas tantum decimas, cum una octava parte alterius decimæ, quoad dictos autem Fratres mendicantes, singulas similiter decimas quotannis durante octennio a die nostre ad summi Apostolatus apicem assumptionis, quam ultima concessio per generalem impositionem simul decimarum revocationem a Nobis tunc factam expiravit inchoan., & ut sequitur finien. in certis terminis per te præfigendis integre persolvendi, efficaciter teneri, & vere obligatos esse, iisdemque pen-

Universos in hoc jussu continere prædic.

pensionariis, aut eorum alicui pensiones annuas prædictas quantumlibet exemptas, & sub quibusvis obligationibus etiam in forma Camere, & juramento, etiam de non contraveniendo, & forsitan de non impetran. gratias nostras contra eos, & de non utendo concessis firmatas, aut alias vallas, & forsitan aliis cautelis, & decretis munitas causam donationis super eisdem fructibus, & pensionibus etiam medio cecularum banchi, seu in forma depositi habitibus, & intra octo annos prædictos habitibus etiam ipsi a quibus pensiones hujusmodi solven. sunt juri, & actioni petenda, vel retinen. portionis, aut rate partis pensionarios tangen. jure jurando renunciantur ullo privilegio, aut indulgentias sub quacumque verborum forma, aut expressione concepta, quoad hoc nullatenus suffragari volumus; sicque, & non aliter in prædictis omnibus, & singulis quoscumque Judices, & Commissarios etiam causarum Palatii Apostolici Auditores, & Sanctæ Romanæ Ecclesiæ Cardinales in quavis causa, & instantia sublata eis, & eorum cuilibet quavis aliter judicandi, & interpretandi facultate, & auctoritate judicari, ac definituri debere, ac irritum, & inane quicquid fecerit super his a quoquam quavis auctoritate scienter, vel ignoranter contigerit attentari decernimus.

Constituuntur Collectores, & exactores dictarum decimarum.

§.7. Ut autem hujusmodi decimæ facilius exigantur, fraternitatem tuam, ac Venerabilem Fratrem Patriarcham Venetiarum, & dilectum filium Hieronymum electum Madaren. pro tempore existentem ad dictas decimas exigendas, Ducique, & Dominio præfatis, sive ejus Ministris, ad id specialiter deputatis statim nulla interposita mora, & sine aliqua proffus diminutione, retentione, aut detractione etiam non detractis quinque pro centenario, Camera nostre prædictæ in exactione talium decimarum applicari consuetis integre consignandas, earumdem decimarum Collectores, & exactores per presentes constituimus, & deputamus, ac tibi, & Patriarchæ Venetiarum, ac electo Madaren. pro onere, quod in exactione decimarum hujusmodi sustinebitis, quatuor millia scuta auri in auro ex eisdem decimis detrahenda, & illorum medietatem inter vivos pro equali portione, & quolibet anno ejusdem octennii pro rata distribuendi, & dividendi, reliquam vero medietatem sub collectoribus, & aliis exactoribus, ac Procuratoribus ad eandem decimas colligendas deputatis etiam quolibet anno pro rata, habita ratione laboris, & amplitudinis cuiuscumque Civitatis, & Diocesis loco Salarii, seu stipendii, & mercedis assignari, & distribuendi, ita tamen, ut non quotannis integra summa eorundem quatuor millium scutorum pro rata quolibet anno detrahatur, ac tam vos, & quilibet vestrum, quam ipsi subcollectores, & alii præfati ratione fructuum Ecclesiarum, quibus nunc præesse dignoscimini, aut in posterum præfici, vel beneficiorum obtentorum, aut quæ obtinentur.

Bull. Rom. Tom. VI. Par. III.

nere, necnon fructuum, & pensionum reservatorum, & assignatarum, quos, & quas vobis assignari post hac contigerit, decimas ipsas pro vestra, & illorum rata, & illorum quemlibet tangente integre, & realiter persolvere omnino teneamini, & dicta assignatione, & distributione contenti esse debeatis, nec quidquam aliud vos, & vestrum quemlibet prætere posse, tibi, & aliis prædictis a dictis Patriarchis, Archiepiscopis, Episcopis, electis Administratoribus, Commendatariis, Abbatibus, Prioribus, Præpositis, Capitulis, Conventibus, & aliis personis supra expressis exceptis eisdem decimas, ut præfertur, per Nos impositas petendi, exigendi, & colligendi, eis quæ tam in genere, quam nominatim, & in specie, ut illas solvant, sub privationis beneficiorum Ecclesiasticorum per eos quomodolibet obtentorum, aliiisque, prout Nobis videbitur penis, etiam pecuniariis, ac demum per sententias, & censuras Ecclesiasticas moderandi, & præcipiendi, ac pro earumdem decimarum faciliori exactione unum, vel plures subcollectores, qui si in dignitate Ecclesiastica constituti sint pari, ac tu vigore præsentium facultate fungantur, per locorum Ordinarios in quacumque Civitate, & Diocesi, & loco sibi subiecto pro tempore deputatos approban., & si quis ex ipsis Ordinariis intra aliquem brevem terminum vestro arbitrio præfigendum viros idoneos ad id deputare neglexerit, tibi etiam sine illorum consensu tuo arbitrio, illos libere deputari, & deputatos amoveri, aliosque eorum loco toties quoties tibi videbitur substituendi, & subrogandi, ac solvere recusantes, & differentes, & generaliter: Contradictores quoscumque, & rebelles, & ne decimæ hujusmodi solvantur persuadentes directe, vel indirecte per ipsas censuras Ecclesiasticas, & alia opportuna juris, & facti remedia, appellatione postposita compescendo, auxiliumque brachii secularis contra eos ad hoc, si opus fuerit, invocari, solventes vero de solutis quietandi, & liberandi a censuris, & penis quas dicta occasione quomodolibet incurrerint, absolvendi, & generaliter omnia alia, & singula in præmissis, & circa ea quomodolibet necessaria, & opportuna faciendi, ordinandi, mandandi, & exequendi plenam, & liberam auctoritatem, & tenore prædictis facultatem concedimus, & potestatem.

§.8. Non obstantibus regula nostra de non tollendo jure quæsito, ac aliis quibusvis Apostolicis, ac in provincialibus, & synodalibus Conciliis editis generalibus, vel specialibus Constitutionibus, & Ordinationibus, cæterisque contrariis quibuscumque.

Contrariis derogat.

§.9. Aut si ipsis Patriarchis, Archiepiscopis, Episcopis, electis Administratoribus, Commendatariis, Abbatibus, Prioribus, Præpositis, Capitulis, Conventibus, Congregationibus, & aliis personis prædictis, vel quibusvis aliis communiter, vel divisim ab eadem sit Sede indultum, quod

Etiam Archiepiscopi, Patriarchæ, &c.

N

inter-

interdici, suspendi, vel excommunicari non possit per Literas Apostolicas non facientes plenam, & expressam, ac de verbo ad verbum, de indulto hujusmodi mentionem, & quibuslibet aliis privilegiis, & exemptionibus etiã in corpore juris clausis, ac Literis Apostolicis quibuscunque dignitatibus, seu ordinibus specialiter, vel generaliter sub quacunque verborum forma expressis, etiam si motu proprio, ac de Apostolica potestate plenitudine, & confessorialiter, ac etiam in vim contractus emanaverint, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio habenda esset, quae eis quoad praemissa nolumus in aliquo suffragari.

Supplicatio Ecclesiarum, incipit.

§. 10. Volumus autem quod juxta ordinationem a Con. Viennen. super hoc editam, calices, libri, & alia ornamenta Ecclesiarum, monasteriorum, beneficiorum, & aliorum piorum locorum divino cultui dicata ex causa pignoris, vel alia occasione solutionis decimarum hujusmodi nullatenus capiantur, distrahantur, vel occupentur.

Transumptis credi mandat.

§. 11. Quodque praesentium literarum transumptis tuo, vel alterius Praelati Ecclesiastici sigillo, & publici Notarii subscriptione munitis eadem prorsus fides in iudicio, & extra ubique adhibeatur, quae ipsis originalibus literis adhiberetur si forent exhibita, vel ostensa.

Dat. die 19. Sept. 1646. An. II.

Datum Romae apud S. Mariam Majorem, sub Annulo Piscatoris die 19. Septembris 1646. Pontificatus nostris Anno II.

LXVIII.

Ex Reges. in Secret. brev.

Committit Vice-Legato Avenionen., ac Archiepiscopis, Episcopis, & aliis locorum Ordinariis, ut cogant redire ad suos Ordines illos Regulares, qui ultra montes temere ad Ordinem Sancti Spiritus transierunt.

INNOCENTIUS PAPA X.  
Ad futuram rei memoriam.

Exordium constit.

Injuncti Nobis divinitus Apostolici muneris ratio postulat, ut Regularium Ordinum in Ecclesia Catholica pie institutorum decori, disciplinaeque regularis conservationi consulamus, ac personarum, Religiosarum, quae de eo, in quo professionem emisserunt, ad alium Ordinem non arctioris observantiae zelo, sed liberioris vitae cupiditate transeunt, temeritatem, coereceamus, prout conspicimus in Domino salubriter expedire.

Motiva.

§. 1. Cum itaque, sicut Nobis nuper pro parte dilectorum filiorum Fratrum, & Religiosorum Ordinis Sancti Spiritus sub Regula S. Augustini expositum fuit alias, & sub die 17. mensis Februarii 1645. a Ven. Fratribus nostris S.R.E. Cardinalibus negotiis Episcoporum, & Regularium pra-

positis emanaverit quoddam Decretum, contra male translatos, & receptos absque suorum superiorum legitima licentia, de aliis Ordinibus, & Religionibus in dictum Ordinem Sancti Spiritus a quibusdam pro Generalibus dicti Ordinis ultra montes se gerentibus, vigore cujusdam privilegii praedicti Ordini S. Spiritus a fel. rec. Alexandro Papa IV. Praedecessore nostro concessi, & postea a pluribus Romanis Pontificibus etiam Praedecessoribus nostris revocati, quod fuit, & est in grave ipsorum exponentium, & Ordinis S. Spiritus hujusmodi damnum, & praedictum, non sine maximo aliorum Religiosorum, & secularium scandalo, Nobis propterea exponentes praedicti humiliter supplicari fecerunt, ut desuper opportune providere de benignitate Apostolica dignaremur.

Irritat & revocatur.

§. 2. Nos igitur eorumdem exponentium votis hac in re annuere, & opportunitate in praemissis remedium adhibere volentes, & singulares ipsorum exponentium personas, a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodate existunt, ad effectum praesentium, dumtaxat consequendum harum serie absolventes, & absolutas fore censentes, hujusmodi supplicationibus inclinati, de eorumdem Cardinalium, qui audito dilecto filio Commendatore generali Archihospitalis Sancti Spiritus in Saxia de Urbe, rem hujusmodi mature discussissent consilio, dilecto pariter filio nostro, & Apostolicae Sedis in Civitate, & Statu nostro Avenionen. Vice-Legato, necnon Venerabilibus Fratribus Archiepiscopis, ac Episcopis, & aliis locorum Ordinariis, ad quos spectat per praesentes committimus, ut per cuncta loca ipsorum jurisdictionis omnibus juris remediis, ac etiam per Ecclesiasticas censuras, quatenus opus fuerit, Regulares quoscunque, qui dimisso habitu Ordinis, in quo professi sunt prenominatum S. Spiritus ultra montes, ut supra susceperunt, ad reassumendum habitum nullatenus dimissum, & ad redeundum ad claustra sui Ordinis, auctoritate nostra Apostolica cogant, & compellant, similemque transitum in futurum sub poenis illis benevisis, eadem auctoritate prohibeant, salva semper auctoritate Congregationis praedictorum Cardinalium.

Contraria, quaecunque tollit.

§. 3. Non obstantibus praemissis, ac Apostolicis, & in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon quorumvis Ordinum, etiam juramento, confirmatione Apostolica, vel quavis firmitate alia roboratis statutis, & consuetudinibus, & innovatis. Quibus omnibus, & singulis illorum tenores praesentibus pro-

plene, & sufficienter expressis, ac de verbo ad verbum insertis habentes, illis aliis in suo robore permansuris, ad praemissorum effectum, hac vice dumtaxat specialiter, & expresse derogamus, ceterisque contrariis quibuscunque.

Transumptis fides habeatur.

§. 4. Volumus autem, ut praesentium transumptis, etiam impressis, manu Notarii publici subscriptis, & sigillo alicujus personae in dignitate Ecclesiastica constitutae munitis, eadem prorsus fides in iudicio, & extra habeatur, quae praesentibus haberetur, si forent exhibita, vel ostensa.

Dat. die 27. Sept. 1646. An. II.

Datum Romae apud Sanctam Mariam Majorem sub Annulo Piscatoris, die vigesima quinta Septembris 1646. Pontificatus nostri Anno II.

LXI.

Ex Reges. in Secret. brev.

Confirmatio admissionis Catholicorum Cantonis Glaronae in Helvetia ad participationem indulti nominandi ad Beneficia Ecclesiae Oppidi Episcopice Moguntin. Diocesis.

INNOCENTIUS PAPA X.  
Ad perpetuam rei memoriam.

Exordium.

Romanum decet Pontificem illos Christianos fideles, qui inter haereticos constituti impiis eorum erroribus sese contaminari non patiuntur, sed in avita Catholica Religione, Sedisque Apostolicae obedientia, & devotione constanter perseverant, & pro ejusdem Religionis defensione cum opus est, sanguinem fundere non detrahant, specialibus favoribus, & gratiis prosequi, ut ipsi hoc beneficio devincti, & ceteri eorum exemplo ad promerendam ejusdem Sedis munificentiam in dies magis excitentur.

Motiva Constitutionis.

§. 1. Aliis siquidem pro parte tunc existentium Scultetorum, & Senatus quinque Cantonom Helvetiorum Catholicorum, videlicet: Lucernae, Uraniae, Svitiae, Subsilvaniae, & Tugii, Constantien. Diocesis Provinciae Moguntin. fel. rec. Paulo Papae Quinto Praedecessori nostro exposito, quod cum haereticis plurima Oppida, & insignes Ecclesias, ac praeterea Monasteria occupassent, ac sui juris fecissent, & inter alia Oppidi Episcopice, alias Bischozzellae vulgo nuncupat, illiusque Collegiatam Ecclesiam ditionis temporalis Scultetorum, & Senatus praedictorum per integrum triennium occupata detinuisent, eorumdemque Scultetorum Majores, & Senatus hujusmodi, sumptis armis, ac insigni divinitus relata victoria, Oppidum, & Ecclesiam hujusmodi, sicut, & alia sudore, & sanguine suo pristinae libertati restituisent, aliqui Rom. Praedecessores nostri eorumdem Scultetorum praedecessoribus, eorumque successores, & Senatus hujusmodi, ut dictae Ecclesiae dignitates, etiam principales, ac Canonicatus, & Praebendae, & forsitan alia beneficia, & officia in ea consistentia, eorum pro tempore occurrente vacatione, per dilectos filios Capitulum

ejusdem Ecclesiae dumtaxat, ad electionem, seu nominationem, aut praesentationem tunc, & pro tempore existentium Scultetorum, & Senatus hujusmodi, personis idoneis ejusdem ditionis conferri deberent perpetuis futuris temporibus concesserant, & indulserant, & licet ab inde, & ab illo recuperationis tempore dignitates, ac Canonicatus, & Praebendae, aliaque beneficia, & officia Ecclesiae hujusmodi per illius Capitulum ad eandem electionem, seu nominationem, & praesentationem, sicut praefertur, sine ulla interruptione, & impedimento eorumque conferri consueverant, quia tam Sculteti, & Senatus praedicti de indulti, seu gratiae concessionum hujusmodi Literis ob earum inter tot calamitates combustionem, seu aliam dispersionem docere nequibant, idem Paulus Praedecessor jus eligendi, seu nominandi, aut praesentandi, & respective conferendi hujusmodi, ita tamen quod electio, seu nominatio ad dignitatem ejusdem Ecclesiae principalem Romano Pontifici pro tempore existenti tantum fieri, & ab eo institutio, seu confirmatio obtineri possent, & deberet, approbavit, & confirmavit, & alias prout in ejusdem Pauli Praedecessoris Literis sub plumbo desuper expeditis, quarum tenores praesentibus pro expressis haberi volumus, uberius continetur.

Catholici Cantonis Glaronae in Helvetia admittunt, ab aliis quinque Cantonibus ad participationem ut in rubrica.

§. 2. Cum autem, sicut pro parte dilectorum filiorum Catholicorum Republicae Glaronensis nrius ex Cantonibus Catholicis Helvetiorum praedictorum Nobis nuper expositum fuit, ipsi apud quinque Cantones praedictos insteterint, ut eos ad participationem indulti eligendi, seu nominandi, aut praesentandi hujusmodi admittere valent, distincte quinque Cantones Glaronae hujusmodi ejusdem indulti participes, perinde ac si principio in illius concessionem, ac dictis Literis Pauli Praedecessoris praedicti comprehensi essent, fecerint cum ea declaratione, quod penes ipsos Catholicos dicti Cantonis Glaronae ad primum, quod vacaverit beneficium, Canonicatus Ecclesiae praedictae, eligendi, seu nominandi, aut praesentandi jus foret, si tamen tunc temporis habilem, & sufficientem ad talia beneficia habeant, quod etiam in futurum observari debet, ut is, quem taliter promovebunt, Civis Glaronensis sit, ac cum ea conditione, ut in nullo dictis Literis, vel quinque Cantonibus praefatis praedictetur, sed in eo, quem ipsi constituerunt ordinis successu, permaneant, & alias prout in scripturis desuper confectis plenius dicitur contineri.

Supplicatur pro confirmatione Apostolica.

§. 3. Nobis propterea eorumdem Catholicorum Cantonis Glaronae hujusmodi nomine fuit humiliter supplicatum, ut praemissa quo firmiter subsistant, apostolica auctoritate confirmare de benignitate Apostolica dignaremur.

Confirmatio praedictae admisionis.

§. 4. Nos igitur exponentibus praefatis specialem gratiam facere volentes, eorumque singulares personas a quibusvis excommunicationis, suspensionis, & interdicti, aliisque Ecclesiasticis sententiis,

cenfuris, & poenis a jure, vel ab homine quavis occasione, vel causa latis, si quibus quomodolibet innodate existunt, ad effectum presentium dumtaxat consequendum harum serie absolventes, & absolutas fore censentes, hujusmodi supplicationibus inclinati, admissionem eorundem Catholicorum Cantonis Glaronensis praefati ad participationem indulti, & Literarum hujusmodi per dictos alios quinque Cantones, ut praefertur, factam, ac desuper confectas scripturas prout illam concernunt, Apostolica auctoritate, tenore presentium, servata tamen in omnibus, & per omnia indulti, & Literarum hujusmodi forma, perpetuo confirmamus, & approbamus, illisque perpetuae, & inviolabilis Apostolica firmitatis vim, & robur adjicimus, ac omnes, & singulos tam juris, quam facti defectus, si qui desuper quomodolibet intervenerint, supplemus.

§.6. Decernentes praesentes literas validas, firmas, & efficaces existere, & fore, suosque plenarios, & integros effectus sortiri, & obtinere, ac dictis Catholicis perpetuo plenissime suffragari; Siquae, & non aliter in praemissis per quoscumque Judices ordinarios, & delegatos etiam causarum Palatii Apostolici Auditores, ac Sanctae Romanae Ecclesiae Cardinales etiam de latere Legatos judicari, ac definiiri debere, ac irritum, & inane, quidquid fecus super his a quoquam quavis auctoritate, scienter, vel ignoranter contigerit attentari.

§.7. Non obstantibus omnibus illis, quae in praefatis literis concessa sunt non obstant, ceterisque contrariis quibuscumque.

Datum Romae apud Sanctam Mariam Majorem sub Annulo Piscatoris, die vigesimatercia Octobris 1646. Pontificatus nostri Anno III.

Decretum irritans.

Contraria renovat.

Dat. die 23. Octobr. 1646. An.III.

Ex Regest. in Secret. Brev.

**LXX.**  
Prohibetur Conservatoribus, & Prioribus capitum Regionum Urbis, ac Officialibus, & Cappellanis Populi Romani sub poena indignationis, quod imposterum possint mutare, nec commodare cuiquam aliquid etiam minimum ex mobilibus, & suppellectilibus dicti Populi; & prohibitio hujusmodi notificari debeat singulis Magistratibus in ingressu eorum officii.

**INNOCENTIUS PAPA X.**  
Ad perpetuam rei memoriam.

Prohibetur Conservatoribus, & Prioribus d. ut in rub.

§.1. **C**onservationi, & manutioni rerum, & bonorum mobilium, & suppellectilium Palatii Capitulini, quantum cum Domino possumus, consultum esse cupientes, ne de cetero Camerae Almae Urbis nostrae Conservatores, ac Priores capitum Regionum dictae Urbis, necnon Officiales, & Cappellani Populi Romani nunc, & pro tempore existentes sub

indignationis nostrae poena, neve Magister domus etiam pro tempore existens ejusdem Palatii etiam iustus, & mandatum habens ab eisdem Conservatoribus sub amissionis ejus officii, ac refectionis damnorum poenis respective eo ipso absque ulla declaratione per contrafacientes incurrendis, quoquo modo, ac sub quovis praetextu, causa, vel ingenio, cuivis personae quantumvis privilegiate aliquod etiam minimum ex mobilibus, seu suppellectilibus existentibus in eodem Palatio, aut argenteis pro usu Cappellae inservientibus mutare, aut accommodare ullatenus possint, vel debeant, audeantve, seu praesument, Apostolica auctoritate, tenore presentium interdicimus, & prohibemus.

§.2. Volumus autem, quod prohibitio hujusmodi omnibus, & singulis Magistratibus dicti Populi in ingressu eorum officii per Procuratorem Fiscalem pro tempore existentem ejusdem Populi Romani notificetur.

§.3. Non obstantibus Constitutionibus, & Ordinationibus Apostolicis, ac Camerae, & Urbis praefatarum, etiam juramento, confirmatione Apostolica, vel quavis firmitate alia roboratis statutis, & consuetudinibus, statulis, usibus, & naturis, necnon Reformationibus, privilegiis quoque, indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac ad verbum insertis habentes, illis aliis in suo robore permanentibus, ad praemissorum effectum, hac vice dumtaxat specialiter, & expresse derogamus, ceterisque contrariis quibuscumque.

Datum Romae apud Sanctam Mariam Majorem sub Annulo Piscatoris, die vigesimatercia Novembris 1646. Pontificatus nostri Anno III.

Prescribitur notificatio hujus prohibitionis.

Contrario- rum derogatio.

Dat. die 21. Nov. 1646. An.III.

**LXXI.**  
Declaratio, quod Brevia a nonnullis Religiosis Religionis Pauperum Matris Dei Scholarum Piarum obtenta ad effectum assumendi habitum Praesbyterorum secularium, nisi illis utantur infra quatuor menses, censeantur revocata.

*Hic Sanctissimus Pontifex reduxit in Congregationem Religionem Pauperum Matris Dei Scholarum Piarum, ut apparet supra Const. LVIII. Ea quae pro felici, fol. 83. ubi indicavi tibi pleraque circa regimen hujus Congregationis.*

**INNOCENTIUS PAPA X.**  
Ad futuram rei memoriam.

**A**lias postquam Nos iustis ex causis ad ducti Religiosis Religionis Pauperum Matris Dei Scholarum Piarum nuncupatis, etiam professis, tam Sacerdotibus, quam Laicis, sive ut vocant Operariis, facultatem

Exordium.

tem transeundi ad quamcumque aliam Religionem ab hac Sancta Sede approbatam, etiam laxiorem, in qua benevolos invenissent receptores, concesseramus, dictosque Religiosos, & eorum Domos, Scholas, & loca quaecumque omnimode Ordinariorum locorum jurisdictioni subjeceramus, ac eandem Religionem in Congregationem similem instituto Congregationis Oratorii in Ecclesia S. Mariae in Vallicella nuncupata de Urbe erecta, absque ulla votorum emissionem reduxeramus. Postmodum per nonnullos ex Religiosis hujusmodi successive Nobis exposito, quod ipsi habebant unde se extra Domos regulares praedictae Religionis alere poterant, proptereaque habitum Presbyteri secularis assumere, in eo quoad vixissent, extra praedictam Religionem, illisque Domos sub Ordinariorum respective obedientia permanere posse desiderabant.

§.1. Nos certis tunc expressis eorundem Religiosorum exponentium hujusmodi originariis, & seu aliis locorum Ordinaris dedimus in mandatis, ut constito sibi prius, quod quilibet ex dictis Religiosis haberet, ut praefertur, unde se extra dictam Religionem, ejusque Domos regulares vivere posset, eisdem Religiosis, & eorum singulis assumendi habitum Presbyteri secularis, in eo quae extra dictam Religionem, illisque Domos, sub Ordinariorum locorum, ubi pro tempore commorarentur, obedientia quoad vixissent permanenti licentiam auctoritate nostra Apostolica concederent, & aliis prout in diversis nostris in simili forma Brevis desuper expeditis literis, quarum tenores praesentibus pro plene, & sufficienter expressis haberi volumus, plenus continetur. Cum autem, sicut nomine Religiosorum Domus Regularis Sancti Pantaleonis de eadem Urbe Religionis praedictae Nobis nuper expositum fuit, pro bono ejusdem Religionis expediat, ut illi Religiosi, qui licentiam habitum praedictum Presbyteri secularis assumendi a Nobis obtinuerunt, literas in simili forma Brevis desuper, ut praemittitur expeditas, quamprimum debite executioni demandari faciant, aut illis renuntient. Idcirco Nobis iidem Domus praedictae Religiosi humiliter supplicari fecerunt, ut in praemissis opportune providere de benignitate Apostolica dignaremur.

§.2. Nos igitur eosdem exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodate existunt, ad effectum presentium dumtaxat consequendum harum serie absolventes, & absolutas fore censentes, hujusmodi supplicationibus inclinati; Quod omnes, & singuli dictae Religionis Religiosi, qui haecenus a Nobis licentiam assumendi habitum Presbyteri secularis per praedictas nostras in ea-

Brevia obtenta a Religiosis praedictis in rub.

veritas, & re- locat.

dem forma Brevis literas obtinuerunt, ut praemittitur, infra quatuor menses a die facien. ut infra dicitur, publicationis presentium numerant. Literis nostris praedictis omnino utantur, & illas debite executioni demandari faciant, alioquin elapsis quatuor mensibus hujusmodi literae praedictae nullae, irritae, ac revocatae sint, & esse censentur eo ipso Apostolica auctoritate tenore presentium earundem statuis, mandamus, & ordinamus.

§.3. Decernentes easdem praesentes literas validas, firmas, & efficaces existere, & fore, suosque plenarios, & integros effectus sortiri, & obtinere,

§.4. Siquae per quoscumque Judices ordinarios, & delegatos, etiam causarum Palatii Apostolici Auditores, & definiiri debere, irritumque, & inane quidquid fecus super his a quoquam quavis auctoritate scienter, vel ignoranter contigerit attentari.

§.5. Non obstantibus omnibus, & singulis illis, quae in eisdem literis volumus non obstant, ceterisque contrariis quibuscumque.

§.6. Volumus autem, quod praesentes literae in valvis Ecclesiae Lateranen. ac Basilicae Principis Apostolorum, & in acie Campi Florae de Urbe publicentur, & affigantur, quae sic publicatae, & affixae, omnes, & singulos, quos illae concernunt, tam in Rom. Curia, quam extra eam ardeant, & afficiant, ac si eorum unicuique personaliter intimatae fuissent.

§.7. Quodque earundem presentium transumptis etiam impressis manu alicujus Notarii publici subscriptis, & sigillo alicujus personae in dignitate Ecclesiastica constituta munitis, eadem prorsus ubique fides adhibeatur, quae adhiberetur presentibus si forent exhibitae, vel ostensa.

Datum Romae apud S. Mariam Majorem, sub Annulo Piscatoris, die 4. Decembris 1646. Pont. nostri Anno III.

Clausulas praeservativas adici.

Clausula subblata.

Contrariis derogat.

Affigi, & publicari mandat.

Transumptis credi jubet.

Dat. die 4. Dec. 1646. An.III.

**LXXII.**  
Deputatio Vicelegati Avenionen. in Commissarium Apostolicum pro componendis differentibus inter subditos Comitatus Venaisini, & Principatus Araithen. super Confinibus.

*Dilecto filio Mag. Laurentio Corso in utraque Signatura nostra Referendario.*

**INNOCENTIUS PAPA X.**

*Dilecte fili salutem, & apostolicam benedictionem.*

§.1. **C**UM ad componendas differentias, quae, ut accepimus inter Comitatum nostrum Venaisinum, & Principatum Araithen. seu Araithen. super confinibus eorundem Comitatus, & Principatus vertuntur, personam, fide, prudentiam, doctrinam, integritate, & experientiam pra-

Ex Regest. in Secret. Brev.

Exponit causam Confit.